

物生死皆借有形者以喻無形之道學人當先究人物生死  
柔弱强大上下之理方知以柔弱為入道之基久之煉去堅  
強之重濁者盡化為輕清庶可以出入無騰雲駕霧長生  
而不死矣○嚴君平曰天地之理小不載大輕不載重故強  
人不得君王強木不得處上其音拱挂也挂音主荀子曰強  
自取挂兵強者則敗亡常為弱小之所乘木強者則支挂常  
為眾木之所壓此說為是更得本文正意

柔弱者謙之道也天道好謙故次之以天之道

天道章第七十七

天之道心之性性之神其猶張弓乎有力○稱物平施高者抑之省思慮下者舉

道藏輯要

太上道德寶章翼

乘

心集四八上文

之奮精神○損上益下有餘者損之絕嗜慾不足者與之養沖和○衰多益少天之道

心也損有餘而補不足生虛使熟熟處使人之道則不然也○

反損不足以奉有餘貪其所愛忘其自孰能以有餘奉天下要在

忘我○損惟有道者忘心○是以聖人為而不恃忘性損功成而

不居忘神損其不欲見賢忘忘亦忘○損之又損

沈蛟門曰弓人調適弓幹使之和平則抑高舉下損有餘補  
不足天道平等虧盈益謙故曰天之道猶張弓也人之道則  
不然哀聚貧賤之財以益富厚取之盡錙銖而不遺用之如  
泥沙而不惜損不足以奉有餘與天道異矣誰能與天合道  
損有餘以奉不足其惟有道者乎是以聖人常出其身以任

事雖爲而不恃其能雖成而不居其功此損之至也損已至故天下樂推而不厭雖不欲見賢不可得也謂我心本不欲見賢人自以我爲賢矣○復圭子曰有一歲之天道有一月之天道有一日之天道修行人未明人道先須辨天道天道先要從一月日月盈虛消息上察起而後人身一陰一陽之升降可按也愚幸得遇真人與聞大道甫悟太上天道其猶張弓之說人間之弓必損有餘以補不足易知也天上之弓月出庚掛於庚酉之方一陽居下其弓張於月之初三日乎月見丁掛於丁未之方二陽居下其弓張於月之初八乎月盈甲掛於甲卯之方三陽象乾其弓引滿掛於十五之日皆

道藏輯要

太上道德寶章翼

堯

心集四

爲上弦之弓滿則謂之有餘有餘則當損十八月掛於辛戌之方損一陽而初下一弦矣二十三日月掛於丙午之方又損二陽而弦下一半矣二十八月掛於乙辰之方微陽將盡以象坤卦其弓已弛而不張自望以至晦皆所以損此月之有餘以補來月之不足修鍊者能月月行持進陽火退陰符如天道之補損周而復始此之謂性命雙修何憂不仙乎何爲人道不然一身之中所不足者陽也有餘者陰也反以情識損元陽而長羣陰孰肯損陰之有餘以奉不足之陽哉惟有道之聖人始而效天道之張弓有作有爲而不恃其勞既而功成無作無爲而不居其功所謂行賢而去自賢之行聖



人殆一天道也○李息齋曰哀多以益寡者天之道也哀寡以益多者人之道也惟聖人能以己有餘而奉人不足故其能及萬物而不恃其能功蓋天下而不居其功利澤施於天下而不欲見其賢唯有道者而後如此

不欲見賢謙柔之德也故以水德次之

### 任信章第七十八

天下柔弱莫過於水人之生也而攻堅強者欲不莫之能勝心無

生死○棒其無以易之情念死矣○故柔勝剛心有力則情念

打不開勝弱勝強心無為則天道乃天下莫不知人有莫能行人人

理是以聖人言聖人受國之垢藏心於心而不見是為社稷主

### 道藏輯要

太上道德寶章翼

卷

心集四

○受國之不祥藏神於神而不露也是為天下王○正言若反

蒼天中更添冤苦○與物相反與道相合

河上公曰今夫水置之圓中則圓置之方中則方止之則止

決之則行然而大者能懷山襄陵高陵為池深谷為邱者皆

是物也其細則磨鐵碾玉皆以水資是攻堅固者無以易之

不可輕易也水能滅火弱勝強也齒先舌敝柔勝剛也天下

莫不知柔弱長久剛強易折也莫能行恥謙卑好強梁也受

國之垢是謂社稷主若江海不逆小流則能長保其社稷為

一國主也受國之不祥是為天下王君能引過自在代民受

不祥之殃則可以有天下而王也正言若反者正言合道而